

四庫全書

史部

欽定四庫全書

江南通志卷二十二

輿地志

公署

一 江蘇
松常四府

周禮冢宰以八法治官府鄭氏云百官所居曰府
蓋與宰夫之職掌官契以治藏者異焉委蛇委蛇
退食自公召南所由賦羔羊也今江南地廣事繁
文武大小之吏較勞省為多凡改設增置則解守

隨之陟其堂皇履其燕寢仰惟清慎勤之
訓書而鈴閣琴堂皆實心實政之所自行矣

江寧府

總督部院署在府城東北

江寧將軍署在滿兵城內

左翼副都統署

右翼副都統署俱在將軍署東南

江寧織造署在府城東北

安徽布政司署在府城南大功坊 庫在司署內

經歷署在府城淮清橋東 長盈庫大使署在

道署後東首 倉大使署在復成橋

江安糧道署在府城南布政司署東 道庫在道

署內 庫大使署在利涉橋西北

通省驛鹽道兼巡江寧道署舊在府治西雍正十

年移 按察司舊署 附 巡道陳宏謀公署記 雍正

九年春余自維揚郡守奉

簡命擢江寧臬副整飭通省驛傳鹽法適以前一年江

景移駐蘇州其江寧郡屬向所隸於常鎮道者改隸驛監道就近兼巡蓋

聖天子

設官分職所以為吏治民生計者量地制宜深且悉矣道治舊以府郵覈引飭文移司勾會不與境內民事余受斯職既兼巡省會合屬吏民以公事來治所駢肩錯轂顧近市湫隘堂廡卑庠無以肅風紀嚴聽斷請之臺丞移咨所部遂以臬署改建焉而臬署虛已逾年日就傾圮余為捐俸庀材時被檄攝安藩篆藉池州蘇郡丞士俊鳩工相度得壁間碑記則向改為巡道署改建臬司者也考其

今上

壬子之年重修告竣蓋匝六十年矣夫十日十二子

相配數終六十爰復其始茲署由道而司司復於道適適會焉其事殆非偶然者而余因重有惕也從古國家建官制治道與時宜政由俗易蓋法以相參而備化以積久而成稽之史冊周美成康漢

稱文景其所由來者漸矣欽惟我

皇上繼承世德訓飭官方憲章由舊率作維新凡所張弛
動閭治要金陵省會要區繁難重地向之改道而
司所以重屏藩之寄而崇廉鎮之規今之易司以
道復協遠近之宜而分詳要之職要以首方觀民
無負

聖朝勤恤元元至意其秩雖殊其任則一宏謀粵西一
介庶職翰銓備員蘭省親承

帝訓寵春頤膺簡授茲職是用兢兢重以制府擁節會城
懋德勤施文武是憲宏謀自顧菲材典型密邇通報
稱滋難況又統領驛郵詰姦達節典司鹽筴裕國
通商其與今此分路揚鑣繩糾吏治舊職新銜相
倚為重曷敢苟簡因循以報政為具文視居官如
傳舍故因重修是署於其落成茂石以紀非紀署
也紀其所以居是署者庶幾夙夜虔共無忘
天子之命也若夫聽斷有所退思有次若者葺舊若者

更新辨方正位不失宜稱覽
者自得之無俟余言觀縷矣

督理龍江西新關署在府治上新河 龍江關宣

課司署 龍江關大使署俱在儀鳳門外

江寧知府署在城中內橋西南明洪武初建 廣

積庫在府署堂左 冊庫在府署後堂右 獄

在府署大門外

理事同知署在府治東中正街

江防同知署在府署西

管糧同知署在府東淮清橋

南捕通判署在府署西

北捕通判署在府土街口即蘆政公署 經歷署

照磨署 檢校署俱在儀門西 江東司巡

檢署在直江口 江淮司巡檢署在江浦縣浦

口久裁今復設隸府 秣陵鎮巡檢署在城南

六十里秣陵關 都稅司署 茶引所署俱在

淮清橋東 遞運所署在三山門內 聚寶宣

課司署在聚寶門外 江東驛丞署在江東門

內舊有金陵驛丞署今歸併江東驛俸給倉在

府治後 復成倉在復成橋 常平倉在上浮

橋西岸 虎賁倉在府西朝天宮後 普濟堂

舊在三山門外明時建 育嬰堂舊在三山門

外

國朝康熙年建雍正十二年奉

旨改建二堂於聚寶門外之佟園總督趙宏恩倡捐銀九

千六百兩有奇置田撥洲又歸併舊育嬰堂田

房租以給衣糧等費

附

鄧旭育嬰堂記

康熙二十二年

六月己卯日江寧省育嬰堂成其房廡田土之詳當有記書之石以垂永久諸同事者僉曰育嬰緣起旭當序之旭不敢辭因醵言曰天下事不有始之者曷就其成不有中之者曷汲其畧不有終之者曷成其成故余得並書所以敬其序而恢其畧以宣於成者用告於來茲先是

太皇太后有頒賜育嬰之典

世祖堂皇亦有優訪濫宗赤子之旨而我

皇上有款後子女之禁於足大司寇桐城姚公文照仰

聖

心因命僧慧心持書詣余踰萬堂以育江寧諸嬰之不
收者僧徒乾沒其金僅建廬於天墮之東十餘里

不即生祭子女者蓋路不思見制於是趙公采岳
兄弟與余謀卜地於三山門外為堂以居諸嬰既
唯是食焉為部王公子孫復同余請方伯今大常
五也營公捐輸並代家推移凡七百三十金公恣
飲然許之北始事之經營也方公之治事也命江
寧三學生員由方公說若觀季控等同諸父老其
呈請及是部司上地又江撫軍蔡公又謂地第宜
呈報是部司地不列理其基準定而工費浩繁乃
伏請其上下江兩撫軍協造方伯惠憲糧儲驛傳
之法可謂是江蘇兩兩權使又江寧太守府廳上
江兩公督標城中諸公均共捐銀一千餘兩而安
撫蔡文玉公捐銀二百九十餘兩台
計前後諸方守費捐紳餘所勸助共一千九百餘
兩而本堂之堂故樓殿而廳危漏迄乳媪之房舍
百餘間越三月告成於是龔公延諸紳謂堂之郭

郭具而善後事宜奈何余與太守陳公計莫若做
蘇州條例以人計月每月人助銀三錢以辛酉季
春朔日集諸人於堂中滴得募金七十兩而冀公
許募三十兩以足百兩之數若謂暫時補苴則可
以為久遠猶未也於是前督府阿公首輸銀三百
兩副佃房於虹橋冀公復合諸公仗助之計九百
餘兩為新房六十五間舊房五十三間約每月可
得賃金二十兩有奇猶以為未足於堂中舊置太
常寺田地七十五畝外別購新田賴方伯冀公臬
長金公太守于公糧廳朱公上元于公多方曲成
得上元神泉鄉田四百四十八畝合夏秋所入盡
納堂中視昔之幾者漸以克寒者漸以煖疋者漸
以彊擇者漸以長且多矣此中事之經營也然由
前置房言之其一月之所獲尚未足供匝月之用
由後置田言之其一歲之所入尚未足供卒歲之
需能無望繼起之大君子哉今督府于公下車之

始摘奸察吏百務備舉於壬戌初冬間江寧育嬰堂初構公戒徒隸師佐慈親臨西郊至止於堂乳媪負諸兒待命于公公慰勞有加先下檄曰製衣無後時賜以繒布又捐本衙門租米九十餘石為之食猶恐不給復令所司方伯龔公太守于公撥來安縣無礙田四百二十一拉計九百二十九畝有奇用供常餼公之下車堂之婦女告饑告寒公之旋飾堂之婦女以宴以衍益得公之蒞止而克成厥終焉豈偶然哉堂既成其地丈量畝若干堂宇間架若干堂中像設器用若干經費銀數目若干自經始至落成為月日若干及實在嬰兒乳母簿籍若干堂去三山門半里而遙左夾鍾陵古厓莫愁背負石城面浮雨花木末兌方而缺震勢秋位而擅春生是役也旭與于珩王公采岳趙公昆玉不過兩篋篋效倡始之謀其竭力扶助共襄盛舉者則自某某以下皆得書至於立法之詳捐輸

之數盡列於碑陰以垂永久焉今幸際江蘇撫軍
余公於子惠元元內尤加意育嬰屢頒圓妙觀禁
約遠通誦之則江寧育嬰堂中自荷慈暉較前有
如美然旭猶有慮者旭冉冉以老子玠王公采岳
趙公昆弟宜遊京師行蹤無定此後事宜深有望
於當事與紳衿諸先生擇有德望者使身任其事
以無負

令甲恒孤之意與各當事暨諸公始事之勞可也謹
記

儒學教授署 訓導署俱在府學內雍正十三年增

建

中營副將署 中軍守備署俱在蘆政牌樓左

左營遊擊署 中軍守備署在城東

城守協鎮副將署在西華門大街

左營遊擊署 左營守備署在城東北

右營都司署 右營守備署在城東北

江淮衛守備署在北門橋

興武衛守備署在城北

上元縣知縣署在府治東北昇平橋西宋建炎間

建 縣丞署在縣廳左掖即宋主簿衙正廳明

道先生均簡堂故址也康熙乙巳縣丞戴正宸
即廳後為宅 典史署在縣廳右 庫在縣二
堂旁 獄在縣儀門內西 淳化鎮巡檢署在
縣東三十五里 預備倉在馴象門賽工橋北
俗名上倉明初建知縣陳三省修

國朝康熙間知縣唐開陶增修 水次倉在觀音門近

大江俗名下倉 監穀倉在縣署內

儒學教諭署 訓導署俱在學明德堂東

江寧縣知縣署在府治南明洪武初建 縣丞署
在聚寶門外兵馬司岡 典史署在縣廳西

庫在縣二堂旁 獄在縣儀門內東 江寧驛

丞署在城南六十里江寧鎮 存留倉在城南

安德門外俗名老人倉 預備倉在賽工橋南

明天啟四年義民董志聰捐建 常平倉在縣

署儀門外右首雍正五年知縣孔毓珠倡建

儒學 教諭署 訓導署俱在學明德堂西

句容縣知縣署在城中四牌樓北唐天祐六年建

縣丞署在縣廳東 典史署在廳西 庫在

縣堂後左右各一所 獄在縣儀門外 龍潭

驛丞署在盤龍山北 預備倉在縣治西明知

縣韓鼎建縣丞劉義知縣李澄王僖增修 官

鹽倉在縣北河口鎮 東西南北四倉在茅山

琅琊上容移風四鄉明初知縣朱彤建知縣茅

一桂增修 社倉共一十七處 常平倉在縣

西城內 歲積倉舊在下蜀明巡撫周忱移建
龍潭鎮知縣洪浦縣丞劉義知縣張蕙徐廣王
僖主簿薛仁典史梁澤徐九思相繼增修 添
建常平倉東倉俱在縣署東雍正九年建 養
濟院在縣西南青元觀前明建知縣張蕙王僖
修 育嬰堂在城隍廟左康熙四十七年知縣
胡為楫捐建

學 編
教諭署 訓導署俱在學宮內明府丞陳宜建

溧水縣知縣署在城內順治十一年知縣閔派魯
建 縣丞署在縣廳左 典史署在縣廳右
庫在署川堂右 獄在縣儀門內 俸給倉在
縣廳右 先斯倉在典史署右 糧倉在潢藍
埠即惠民倉址

國朝順治間知縣安應晬建知縣閔派魯重修 預立
三倉舊在縣文明門後移建縣署內一在儀門
東一在儀門西一在署前 便民新倉舊名永

豐在高淳水陽鎮明知縣賀一桂移建縣西南
三十里梅家渡

國朝順治間知縣閔派魯重修

儒學教諭署 訓導署俱在學宮內

高淳縣知縣署在鎮山城内 典史署在縣廳西

北 庫在縣署後堂右 獄在縣署儀門外右

廣通鎮巡檢署在縣東南四十里 預備倉

在縣治東南明初建 石白里社倉在縣北二

十五里邑人韓叔陽建 常豐倉舊名永豐在
水陽鎮去縣三十里明知縣夏天勳移建縣治
西留輝門外 養濟院在縣治左明知縣劉啟
東增建

國朝康熙間知縣李斯佺修 育嬰堂在縣治後通賢
街康熙十七年知縣劉澤嗣捐建後李斯佺捐
修

儒學教諭署在文廟東明知縣莊鐸建 訓導署在

還淳齋西

江浦縣知縣署在曠口山城明洪武二十四年知

縣仇存仁建景泰中知縣羅信修典史署在

縣廳西阜財庫在縣川堂右架閣庫在川

堂左獄在儀門西東葛驛丞署在東葛城

常平倉在預備倉左明巡按駱駘曾檄建

預備倉在縣儀門左常平新倉在縣二堂側

雍正九年建起運存留二倉俱在縣治東

社倉六一在縣儀門左一在東葛城一在湯泉
鎮一在石磧橋一在新殿廟一在浦子口知縣
余樞建 育嬰堂在城內大營

國朝雍正九年知縣趙作霖捐建并置田若干畝

儒學教諭署 訓導署俱在學宮內明知縣張文韜

建後遷於東嶽廟址

國朝順治間教諭趙冰修康熙間訓導王聞晉重修

浦口營都司僉書署在浦口城

六合縣知縣署在滁和北岸城內明洪武元年知

縣吳有源建 典史署在縣廳西 銀庫在縣

廳東 冊庫在縣廳西 架閣庫在縣儀門外

獄在縣儀門外西 稅課局大使署在縣治

前街西 瓜埠巡檢署在縣東南二十五里瓜

埠山下 倉在稅課局西明萬廷瑄建後移建

旌善亭後 預備倉有東南西北四倉明初建

後併縣倉 常平倉在縣署西康熙間知縣魏

世泰建 寶成倉在元正觀東雍正八年知

縣蘇作睿建 普濟堂在東門內新安坊雍正

二年建 育嬰堂在澄清巷雍正二年建

儒學 教諭署 訓導署俱在學宮內

蘇州府

江蘇巡撫都察院署在府城內南宮坊

蘇州織造署在府城葑門內

江蘇布政司署在府城昇平橋西北

原係明王文恪三槐堂舊

第 蘇州舊無司署

國朝順治十八年巡撫都御史朱國治 題設江蘇布

政司暫駐蘇松道署康熙元年知府武宏祖申

請巡撫都御史韓世琦檄行江蘇五府守令共

議購王氏宅而更新之 永盈庫在司署大堂側

東銀西錢並曰永盈 理問署在府城劉家浜

江蘇按察司署舊在江寧府雍正八年移駐蘇州

明澤橋東即舊分守道署 經歷署在府城

司獄署在府治西南

蘇松糧儲道署在常熟縣 大使署在道署

知府署在城中織里橋東明洪武二年建燬於兵

國朝順治三年重建康熙十一年知府甯雲鵬修 豐

盈庫在府署後堂 獄在府治西南

督糧水利同知署在府署西

總捕同知署在府署東

海防同知署在常熟縣福山

太湖水利同知署在吳江縣同里鎮

營糧通判署在府治東 經歷署 知事署 照

磨署俱在府治西 姑蘇驛丞署在府治胥門

內 百萬倉在西城至德廟後宋時建

儒學教授署在府學明倫堂後 訓導署在學宮西

中軍叅將兼左營署 中軍守備署

右營遊擊署 中軍守備署

蘇州城守營遊擊署 中軍守備署俱在府城

左軍守備署在吳縣社壇

太湖營叅將署在太湖洞庭東山邑人吳時雅捐

建

蘇州衛守備署在長洲縣龐其巷

吳縣知縣署在府治西北慈悲橋西明洪武元年

建

國朝順治十二年重建

附

唐梁肅吳令廳壁記

在春秋時列國

各有屬邑其主者魯謂之宰楚謂之尹晉謂之大夫秦時天下始置令長宅一同之內操賞罰之柄

有人民有社稷焉風俗善敗本乎身黎元安否繫其政其體大矣自京口南被於湖間望縣十數而足大國家當上元之際中夏多難衣冠南避寓於茲土參編戶之一由是人浴外雜號為難治加以州將百握兵按部之重邑居當水陸交馳之會承上撫下之勤征賦郵傳之繁倍百他縣夥乎其中不可勝紀大歷十一年天官擇可以長民者於是范陽盧公繇太原府祁縣令為之外寬內明敬事而信政本於仁飾身以文下車三年闔境之人安居樂義而不知安樂之所從來益平以和也夫君子立身論道之通塞不論位之升降吳縣下畿服一等公俯而為之抑選郎為官擇人而其履道從政所由然也余知者敢錄其實書於東序以播其令聞

宋郭受吳令廳壁記

厥今天下經用之所資百貨之所植東南其外府也渡淮而南濟江以東督府且十附城且百而田

疇沃衍生齒繁夥則吳實巨擘馬子嘗登靈巖之巔俛而四望眄滄脈分原田碁布邱阜之間灌以機械沮洳之濱環以焚槌則瀉鹵硤礪變為膏澤之野蕪藻蒹葭陵望為秔稻之陸故歲一順則粒未狼戾四方取給充然有餘出乎胥口以臨震澤積水無涯兩山對峙桑田翳日木奴連雲織紵之功苞苴之利水浮陸轉無所不至故其民不耕耨而多富足中家壯子無不賈販以遊者由是商賈以吳為都會五方畢至獄市雜擾縉紳以吳為樂土僑民閭里幾亞京雒為政者急之則怨而駭緩之則弛而肆泛然而多容則干謁紛紜幾至於亂法毅然而多拒則謗詈叢集必困於遊談宰字之任信難矣古通直郎許君來領是邑直方不撓有駮駢之風簡易無苛得調脩之術益常急於豪猾緩於善柔整其大綱闊其細故為之期年而縣告治元祐六年靈雨敗稼吳民阻饑君日慰藉而拊循

之賑給務均卹隱求實不事虛名而為文具也予
以是知君之篤於從政也舉茲以旃則其於整彫
敝而應盤錯也何有焉水菑之明年君且代矣乃
悉求前為此縣之名氏爵里將書而刻諸石顧其
僚郭受曰吾為是俾來者有攷焉子為我序之辭
不獲命因槩叙吳風而毛舉君政之一二許君溫
陵人世為學家甚博而文異日
顯用於時當不獨以循吏稱也

縣丞署

主簿署俱在縣署東

典史署在縣

署西

庫在縣後堂旁

黃冊庫在縣後堂西

軍器庫在縣堂左

獄在縣署西南

木瀆

鎮巡檢署在縣西二十七里

角頭巡檢署在

縣西南八十五里洞庭西山 東山巡檢署在

縣西南八十里洞庭東山邑人吳時雅捐建

和豐倉在胥門內百花洲東岸明巡撫周忱建

知縣孫磐重建知縣牛若麟重修 常平倉即

濟農倉舊址明巡撫張國維建

國朝康熙間知縣吳存仁修 養濟院在侍其巷北

高 教諭署 訓導署俱在學宮內

長洲縣知縣署在府治東南烏鵲橋西明洪武元

年 建 後 燬 於 兵

國 朝 康 熙 二 十 四 年 重 建

附

明 江 盈 科 公 署 記

長 洲 縣 治 後 堂

凡 六 楹 其 西 瀕 園 曰 玉 壺 冰 蓋 余 郡 柳 洞 陽 先 生
所 手 題 者 先 生 癸 丑 進 士 去 今 已 四 十 餘 年 而 宇
宇 猶 如 新 念 是 懸 耳 中 不 勝 枌 榆 之 感 邑 處 士 張 劭
于 先 余 言 先 生 治 長 洲 才 情 揮 霍 遊 刃 有 餘 每 聽
新 之 歌 月 夕 雪 夜 必 陳 酒 肴 召 諸 生 可 語 者 與 之
飲 今 兩 郭 幾 人 具 管 弦 策 于 前 後 歌 唱 環 繞 盡 醉
乃 置 以 為 會 而 邑 大 治 乃 余 之 令 長 洲 也 晨 起 沐
髮 披 香 案 讀 出 而 坐 堂 皇 應 賓 旅 受 賈 訟 卒 卒 至
午 始 後 謀 議 抗 理 輒 苦 滴 下 三 鼓 乃 休 如 是 亦 以
為 常 而 邑 未 大 治 夫 昔 也 逸 今 也 勞 昔 也 樂 今 也
苦 而 治 顧 不 若 將 余 之 才 情 果 不 及 洞 陽 先 生 遠
甚 抑 時 之 推 遷 有 不 得 不 然 者 邪 憶 家 居 平 時

為余言嘉靖間徭役不均郡縣一切以意從事即
中人之家供役不下百金甚者千金而其民富隆
萬以來徭役總歸催募調停畫一無遺法民不知
從正供之外不費一錢而其民貧余問家君若此
者何也家君曰時為之也余為農且老每記墾田
一畝收穀一石今不能五斗糞非不多力非不勤
而所入不當昔之半民安得不貧嗟乎一發五犯
咏於周南牂羊贖首歌在小雅大抵土宜之暢遂
物力之凋耗有不知其所以然者故曰時為之也
夫當土宜暢遂之時則民之供役也易故役重而
富及物力凋耗之秋則民之供役也難故役輕而
貧供億易則不勞追呼不費鞭箠有司治之力簡
而務集供億難則追呼不應鞭箠繼之有司治之
力勞而效寡是故同一長洲也洞陽風流為政而
有餘不佞拮据為政而不足可謂非時之所為乎
噫嘻汲汲皇皇未必無小補然則通勉從事尚恐

不給而暇圖遠故余之不能為洞陽先生也因次第劭聞家君之語而記之

縣丞署在縣治東 主簿署在縣治西 典史

署在縣治東南 庫在縣後堂旁 甲仗庫在

縣堂左 獄在縣署西南 吳塔巡檢署在縣

北蠡口 青邱倉在新橋港東今分元和縣

預備倉在流真港東舊名濟農 常平倉在縣

署西庫雍正八年建 席墟荻溪二倉在廂使

橋巷東今分席墟入元和縣 蘇巷倉在中營

基巷東今分元和縣 許溪倉在閘門內錢廠

西 養濟院明成化三年建一在花橋西一在

譙樓東 普濟堂在虎邱山塘普濟橋南

國朝康熙四十八年善人陳明智倡建

聖祖御賜香品普濟四字匾額今分元和縣界 育嬰堂

在圓妙觀內西即靈雨壇舊址康熙十三年邑

人許定升蔣德掇張遇恩呈郡守高暉詳憲創

建邑人顧溥捐置田房

儒學教諭署在學門之左

元和縣知縣署

國朝雍正二年分設七年建於十郎巷 縣丞署 典

史署俱在縣治旁 庫 獄俱在縣署內 陳

墓司巡檢署在陳墓鎮 青邱倉 席墟倉

蘇巷倉俱從長洲分入 常平倉在縣治雍正

八年建

儒學訓導署在長洲學旁

崑山縣知縣署在城內崑山之陽宋紹興間建後燬

國朝康熙六年重建 縣丞署 主簿署 典史署俱

在縣治旁 庫在縣後堂旁 獄在縣儀門外

西偏 石浦巡檢署在本鎮 玉峯倉在縣治

南舊為濟農倉明知縣祝乾壽建知縣彭富重

修 常平倉在天區三畝雍正九年增建 水

次倉在西門外舊名玉峯倉明巡撫周忱移黃

涇至和金潼等倉合建後移倉入城止就東南
傍河二處設官倉為水次倉 養濟院在羅漢

橋西即舊安懷坊 育嬰堂在縣治南

儒學教諭署在學宮內

蘇州城守營右軍守備署在縣城內

新陽縣知縣署

國朝雍正三年分設在城南街 縣丞署 典史署俱

在縣治 庫 獄俱在縣治內 已城司巡檢

署在縣治高墟村 常平倉在天區三晉雍正
九年增建 漕倉在小西門外與崑山縣水次
倉分版 育嬰堂在縣治西北

儒學訓導署在學宮旁

常熟縣知縣署在虞山東南宋治平中建明弘治
中圯知縣祝獻重建 縣丞署在縣廳左 典

史署在縣廳右 國用庫在縣署中門右 省

庫在縣堂右 苗倉庫在縣堂左 軍糧庫在

縣署西南 獄在儀門西 黃泗浦巡檢署在

本鎮 濟農倉在縣東北東臨漕渠宋時建明

巡撫周忱知府況鍾重建今分昭文縣 常平

倉在濟農倉右宋時建 新常平倉二一在西

門內一在北門內雍正九年建 廣積倉舊在

翌京門外明知縣黃嘉賓移建城內

國朝康熙八年知縣于宗堯重修 永豐倉舊名東倉

在縣署北今分昭文縣 育嬰堂在城西南四

尚康熙四十五年建

儒學教諭署在明倫堂東 學倉在泮池之西

福山營遊擊署在福山城 中軍守備署在縣城

昭文縣知縣署在常熟縣治東北一里本海防行署

國朝雍正三年海防奉裁改為縣治附 勞必達建署碑

記洪惟

皇上董正治官允釐庶績哉 海州添置縣今新邑鼎建必達以不才特被

簡命宋知昭文昭以常熟而析呂望之所遊子游之所
產實為聲名文物之區江海咽喉之地始制府查
公之建議也欲就福山城為治所部議以為分汎
地隘難作大邑僻居海橋庫獄單外又兵民雜居
動多牽制不若同城分治之為便時值海防同知
奉裁乃即其廢署而經理焉夫以署為署宜若村
力俱省然而海防之司空閒無事無庫藏無園囿
無賓館無吏舍無幕寮不過大門儀門外堂中堂
寢室東一亭西一樓而已又皆傾欹破壞是以名
為仍舊而勞費與特創等必達始至舊令即委自
料理公私埽地赤立謀於介眾執啓執關僉曰西
逼通衢無可廊也東為民居置之其可乃召立券
契而予之值有贏勿虧棄產者無怨咨焉然後度
材庀工諏日者事登馮馮役以暮鼓行無執朴
經始於三年十二月落成於四年十一月凡新造
者若干葺舊者若干而堂室門廡齋廡以及庫獄

吏舍賓館神祠暨典史之署皆備前後請頒帑金二千七百兩不足復捐添一百餘兩而後集事夫戴星出入稅桑田而懸棠下是良民者之為也雖鷄居餒食心亦甘之然而有閭其門有潭其府豈以為榮觀燕處哉所以作民矜式也欲隘卑陋則體統不稱又況於獄訟之所寄府藏之所守者乎必達不欺曰克開厥先惟謹司其工用之出內無冒濫無乾沒一瓦一木具有成規寸地尺土無或丐奪易曰君子以作事謀始

主簿署 典史署

籍而記之俾後來者有考焉

俱在縣治東 庫在縣堂左 獄在典史署南

白茆港巡檢署在白茆港口 常平倉在縣

東北雍正七年知縣勞必達建 濟農倉 永

農倉俱從常熟縣分 養濟院在通江橋旁

儒學訓導署在學宮旁

吳江縣知縣署在城內宋乾道元年建後燬

國朝順治七年知縣唐增重建 縣丞署在縣治西南

主簿署在縣西 典史署在縣治東 縣庫

在縣後堂旁 西庫在架閣庫前 鑾駕庫在

縣堂左 架閣庫在縣堂右 獄在縣儀門外

東 同里巡檢署在縣東十里 汾湖司巡檢

署在蘆墟村 平望驛丞署在垂虹亭 總收

倉又名外場倉在北門外五里橋西 常平倉

在北門內軫角圩雍正八年建 養濟院在北

門外廣運橋東南明正德十一年縣丞靖希賢

建

儒學教諭署在學宮內

平望營都司僉書署在縣城東門

震澤縣知縣署

國朝雍正三年分設八年於濟農倉舊址建 縣丞署

典史署俱在縣城 庫 獄俱在縣治內

震澤巡檢署在縣南八十里 平望巡檢署在

縣南五十里 漕糧倉即吳江縣總收倉之西

偏雍正四年分 常平倉在北門內軫角圩雍

正八年增建

儒學訓導署在學宮旁

太湖營左軍守備署在簡村鎮雍正三年建

松江府

提督全省總兵署在府治西南仙鶴觀西

分巡蘇松道署向在蘇州吳縣雍正八年移駐松

江上海縣治東南新建附巡道王澄慧建署碑

記郡國之有使者自唐始然官無定秩亦無常員觀察經畧防禦團練等使時置時罷逮宋

以還沿革不一明代直省設按察司使一員蓋即古之觀察又設有副使僉事所以佐按察司使所

不逮而為之分道揚鑣者也

國初官制槩仍明舊蘇松二府向有兵巡道駐太倉

以通行入境則明澤橋東有駐節之所焉康熙二
年改兵巡為分守蘇州遂為治署二十二年以督

糧道兼領之分守道復裁

今上即位之二年振勸庶司百務具修以撫臣何公之請

復蘇松分巡道如舊制八年六月中立尹公上言
分巡道有巡緝之責兵民皆得治之請加兵備衛
移駐上海租界通洋口岸為便

制曰可
按上海自明嘉靖甲寅設海防道以參事董邦政

領其職募兵三千以備倭旋以海上無警罷之今
余適承乏是官問其舊署不可識矣乃於城之東

南隅相度設官傳舍兼買民地一十四畝有奇改
建公廨一百五十楹定規模采木石考核其工作

既成經營區處費公帑四千緡更為請其不足闕
八月告成周垣重門上堂旁宇後寢下舍約畧具

倚芭吏士庶聚而觀之由外以窺其中穆然以肅
聖嘗以望其堂亦然以容登堂以睨其左右却而

顧其後井然以辨翼然以整蓋隱乎見憲度之秩
風紀之揚於足乎在余用是重自惕矣蘇松通都

望國被海帶湖地繁而劇人稠以麗主客雜沓愚
黠異數而魚鹽鐵冶菽粟絲絮之利人競錐刀三
江震澤澗山三泖之區善藏姦慝官斯土者不可
以弛亦不可以急不可以文令亦不可以武競以
求政成不亦難乎夫古之所謂盛德者一之歲勤
而教之二之歲惠而安之三之歲富而樂之物不
知化陶然自春夫而後乃可謂政之成余不敏誠
不能上追古人然宣

上德意以與民遵道而遵路使皆之責也今日者登其
堂思其義其何以肅吾兵民而使之無犯復何以
容我兵民而俾得並生其何以辨其淑慝而樹之
風聲復何以整其習俗而會歸有極苟如是庶幾
上旨以答

聖天子鄭重設官之意下亦無負中丞公轉移調劑之宜

雖然言之匪艱行之維艱非曰能之勉焉
而已余故紀解舍之經始並書以自勗云

督理海關署在上海縣城內即舊察院康熙二十四年建

知府署在城中大街元初建

國朝康熙元年知府郭廷弼重修 永豐庫在府後堂

右 獄在府治西南

董漕同知署在府署左

海防同知署今移駐柘林

水利通判署在府署右

糧捕通判署在府署右 經歷署在府署東北

知事署在府署西偏 照磨署在府署西北

軍儲南倉在金山衛初名廣盈倉明初建 廣

積倉在青村城明初建 轉般倉在亭林宋時

建 平糴倉在府署東宋建 般運倉在張涇

堰宋建

儒學教授署在學宮西教授周建鼎修 儒學倉在

本學

金少田五ノ三言
卷二十二
中營參將署 中軍守備署

左營遊擊署 中軍守備署

前營遊擊署 中軍守備署

城守營遊擊署 中軍守備署

後營遊擊署 中軍守備署 以上公署俱在府

城中

柘林營守備署在柘林城

華亭縣知縣署在府治西望雲橋北元至正初建

國朝順治間知縣張超重修

附

元馬永中新解記畧

華亭

漢故亭留宿會之所唐天寶十年始置縣屬蘇州石晉天福五年分隸秀州為天下壯邑至元丁丑春因陞華亭府改名松江即縣之公宇為府治寓縣治於東尉舊司壬午秋始以昔時主簿解舍為新縣屋纔二十餘間頽圯陝隘門與廳多差且未有獄禁甲午春達嚕噶齊烏德美承務求監慨然有增修之志爰及縣尹柴琳承務暨同僚佐協議悉捐已俸積千一百緡買民地二畝一角三十步初建廳堂門軒之間七狴犴之間十有六元貞乙未再積俸三百緡買民屋五間地七丈四尺築石岸十有五丈重建前後廳堂之間十有三左右吏舍之間各十有一遷大門與正廳對砌中道二十有八丈復立古經畧苗稅二碑於門之兩廂典吏有幕架閣有庫戒石有亭土地有祠庖厨有舍廳

所不備始三月丙辰終四月乙丑廉訪副使王公
明益題其堂曰牧愛蓋謂國家以百里生靈之命
俾宰邑者司之如為人牧者保之愛之則息以蕃
擾之害之則凋而敝茲牧愛之所以命名也縣治
既新邑宰屬永中為之記故紀賢侯作縣之功並
述王公名堂之意以識歲月云元貞二年八月

縣丞署在縣署西北隅 主簿署 典史署

俱在縣署南 庫在縣後堂右 架閣庫在縣

堂右 獄在儀門西 金山巡檢署在縣東南

六十里 預備濟農倉在縣治西南明知府趙

豫即舊太平南倉址改建 裕軍倉在縣學西

南明知府許維新建 常平倉雍正元年以府
城內天主堂改建 積穀倉在縣署大堂西雍
正四年知縣陸廷樞建 鹽倉在府治西南放
生橋西 水次倉在郭西五里古浦塘之南明
巡撫周忱建 養濟院在谷陽門外平政橋西
宋紹定六年建今仍舊

崇禎 教諭署在明倫堂東明知縣朱直建

奉賢縣知縣署在青村城

國朝雍正二年分設十年署知縣徐必達領紆建縣

丞署在高橋暫賃民房 典史署在縣治 庫

獄俱在縣治 南橋巡檢署在南橋鎮 常

平倉分府城內天主堂雍正五年知縣舒慕芬

改建 水次倉即劃分華婁倉

學訓導署在城內

青村營守備署在縣城

婁縣知縣署在府治北壽橋西

國朝順治十三年分設十五年知縣王有極建 縣丞
署 主簿署 典史署俱在大吳橋南 庫在
縣署後堂旁 獄在典史署側 小蒸村巡檢
署在縣西三十六里 水次倉在郭西五里古
涌塘之南明巡撫周忱建 預備濟農倉從華
亭縣 育嬰堂在縣白龍潭康熙十三年建雍
正二年修

儒學 教諭署在華亭縣學宮東

金山縣知縣署在金山衛城

國朝雍正四年分設發帑建縣丞署在朱涇鎮典

史署在縣署東庫獄俱在縣署內泃橋

巡檢署在朱涇鎮西漕糧倉在朱涇鎮東雍

正八年知縣張安國建常平倉在漕糧倉南

雍正九年知縣高澤萊建

儒學訓導署在府學宮後

金山營叅將署中軍守備署俱在縣城

金山衛守備署在縣城

上海縣知縣署在市舶司元至正二十九年建

國朝順治間知縣涂贊重修 縣丞署 主簿署俱在

縣署東 典史署在縣署西 縣庫在縣後堂

旁 鑾駕庫在戒石亭東 架閣庫在戒石亭

西 獄在典史署右 黃浦巡檢署在縣治

預備倉四一在高人鄉一在海隅鄉二在高冒

鄉 濟農倉在縣南二里明巡撫周忱建知縣

張貞修知縣黃文偉改建於縣城內海防廳東

養役倉在濟農倉垣內 水次倉在縣南二里

明巡撫周忱建知縣喻顯科重建 常平倉在

縣西側雍正七年知縣于本宏建 育嬰堂在

縣治南關水橋東康熙四十九年道人曹炯曾

捐宅創建雍正七年知縣于本宏復捐俸置田

儒學教諭署在學宮內

右營遊擊署在縣城西南 中軍守備署在縣城

黃浦營都司僉書署在縣城

南匯縣知縣署在舊署西北

國朝雍正二年分建

附

知縣欽璉建署記

松江府濱海郡其隸邑之

疆域廣賦稅繁與蘇屬並甲天下自至元間割莘亭五鄉置上海縣明初築南匯城於縣東八十里為千戶所嘉靖中又割上海西偏置青浦縣而上海獨存浦海之區

今天子踐祚之明年准前督臣查

奏請拆置州縣而上

海所割即

賜命南匯仍城之舊也於是三分縣云璉適蒙特簡首莅茲土顧城荒民鮮縣治無所因時值

新思減賦萬姓歡頌羣叩憲請聽民捐建旋得旨即藩庫給銀三千兩乃悉還民所捐卜日庀材飭工凡

四閱月而門牆堂室大畧粗具計其貲已踰所給之數是役也人謂予苟足飭觀以公濟公可矣又何鞏固是期捐貲不惜之與有噫此正予之所慨也嘗念士出身事主忘私最難高者茂視百里指一官如傳舍其於堂皇之嚴整門樓之巍煥齋署之深謹皆非所急卑者賤民以生借官衙為賈肆其於堂皇之秋隘門樓之陋畧齋署之苟簡皆非所顧夫意不在公則受此職宰此土原無慎重之思意不在民則臨此邦居此室又何久大之志平生所慨如此忍一旦躬自蹈之耶未幾以公誤被劾例應鐵扶去何期

聖

仁浩

蕩不加譴逐復獲視事嗣是晨而出惕然思曰

聖

君貸

我而坐理斯堂也誤可再乎則民可誤傷乎茲可

誤縱乎吏胥可誤聽而苞苴可誤通乎是自折其

棟也對棖桷之翬飛寧無報乎暮而入惕然思曰

聖

君貸

我而退食斯堂也仁可數邀乎則愆可不省乎悔

可不深乎過可不自改而誤可不痛自懲乎是自
試於巖也仰垣墉之巖薛寧無懼乎展轉於懷將
益圖報稱於訖工之後而又慮其久而
或自懈也爰勒石於堂之右以誌不忘 縣丞署

在縣治東北營址 典史署在縣治東南 庫

二在縣堂左右 獄在縣儀門外西 三林庄

巡檢署在周浦鎮 常平倉在縣大堂西 便

民倉在周浦鎮 積穀廩在便民倉東偏 以

上三倉俱雍正四年知縣欽璉建

儒學訓導署在明倫堂東

川沙營參將署在縣治川沙城 中軍守備署在縣城
南 匪營守備署在縣城

青浦縣知縣署在城內 明嘉靖二十一年建

國朝順治間知縣王嶙修 縣丞署在縣治東 主簿

署在縣治西 典史署在縣治東南 內庫在

縣內堂右 架閣庫在廳事後 鑾駕庫在廳

右 獄在主簿署南 澱山巡檢署在謝澤闕

太平倉在北門外即上海舊唐行鎮水次倉

濟農倉在縣治北門內 常平倉二一在縣

署大堂東雍正七年知縣楊鳳然建九年知縣

孫見龍增建一在大堂後西偏雍正九年知縣

孫見龍建 養濟院在西門內 育嬰堂在城

內康熙五十二年知縣洪亮彩建雍正二年知

縣張繼詠重修

儒學教諭署在明倫堂後

福泉縣知縣署

國朝雍正四年分設知縣王琮以舊察院基建 縣丞署

典史署俱在常平倉側 庫 獄俱在縣治內

新涇巡檢署在縣四十五保舊青浦治 太平

倉即劃分青浦倉 常平倉在北門內即舊濟農

倉址雍正九年知縣胡振建 養濟院在西門內

儒學訓導署在學宮旁

常州府

提督江蘇學院署在江陰縣城內

知府署在府城北即內子城唐末景福間建明洪

武四年政府重修

附

唐李華刺史廳壁記

晉分丹陽

為是陵後改為晉陵隋置常熟縣創常州理之無
何常熱隸蘇州始於晉陵置常州當楚越之襟束
居三吳之高爽其地常穰故有嘉稱領五縣版圖
十餘萬望高地劇比閩外名邦自安史肆毒千里
一空天子詔宰政審可以安人首以工部侍郎贊
皇公覽克勝任帝俞拜為此邦昔齊人聞石相將
至舉國大理贊皇東轅明詔先下吏愉人泰如時
之春視之猶身歸者遍野贊皇公以為易簡本乎
悠久久於其道而有成封章上請求理三歲詔書
寵異進品正議大夫優賢報功於時為儼自吳通
上國越盟諸侯秦裂郡國智如伍員才若鴟夷以
及我國家賢良臨州者甚衆未有濬河渠引大江

漕有餘之波益不足之川溝延申浦至於城下廢
二隸之隘限數州之程海夷浮舶弦登望至誠古
人創物之智見君子濟衆之心大矣哉一境清淨
無言而理此其大畧也漢制刺史剖符領郡遷為
太守太守課最入為公卿及魏晉以來或稱州牧
國朝刺郡太守更相為名親賢如寧岐弼諧如梁
宋皆拜焉在郡視侯伯入朝亞卿尹其車服皂蓋
朱旛華蟲七旒進賢兩梁冠玉佩青綬古有銅獸
竹使符太守不假節刺史臨兵則持節今雖無事
亦稱使持節戒不虞也降銅魚詔書合之代獸符
也夫子門人高第者衆惟稱雍也可為諸侯至矣
哉古之為理本於德行贊皇公秉心宣猷盡瘁王
室愷悌君子名之父
母為王者輔宜哉

海防同知署在江陰縣治東南

總捕通判署

水利通判署

二署

俱在府治東北

督糧通判署在府治西北 經歷署在府治東

知事署在府治內 照磨署在府治西 檢校

署在府治西南 豐積庫 架閣庫俱在府署

堂兩旁 獄在府署大門之內 太平倉元時

建在府城東太平寺前明初移行春橋西南知

府楊二和修知縣晏文輝重修

儒學教授署 訓導署俱在明倫堂之右

城守營遊擊署在府城 中軍守備署在陽湖縣

治

孟河營守備署在武進縣治

武進縣知縣署晉太康二年初建於郡城西北八
十里後徙金斗門外街明洪武四年移建府治

東南 縣丞署 典史署俱在縣治東 庫在

縣署二堂旁 架閣庫在縣署二堂右 獄在

縣署儀門右 奔牛巡檢署在縣西三十里奔

牛鎮 小河巡檢署在縣西北九十里孟瀆河

毘陵驛丞署在縣朝京門外 濟農倉在太

平倉東明巡撫周忱建知縣朱瑄修知縣晏文

輝重修 東西倉原在水次明巡撫周忱建後

移近郭知縣邱泰修知縣楊巍茹宗舜晏文輝

重修 常平倉在縣署後雍正九年建 養濟

院在天王堂後元時設明邑人吳元捐資修知

縣晏文輝重修 育嬰堂二一在鳴鳳鄉一在
旌孝鄉雍正二年知縣郭朝弼建

儒學教諭署在學宮內康熙間黃樞崔學古重葺

陽湖縣知縣署在府城東左廂界即舊太平倉基
雍正二年建 主簿署 典史署俱在縣治

庫 獄俱在縣治內 戚墅巡檢署在戚墅堰

常平倉在縣署東雍正八年知縣汪文胆建
普濟堂六二在豐北鄉二在昇西鄉一在從

政鄉一在延政鄉

儒學訓導署在武進縣學宮內

無錫縣知縣署在城西偏康熙五年知縣吳興祚
重修 縣丞署在縣 典史署在縣治西

南 庫在縣署二堂旁 架閣庫在縣堂右

鑾駕庫在縣署二堂旁 獄在縣儀門西南

高橋巡檢署舊在縣西北十五里今移縣治

水次倉在西城門外面河 常平倉在縣治頭

金匱縣志卷之三十一
縣志三十一
門內馳道東雍正七年以賓賓館改建 養濟

院在縣西永興坊巷內即宋畀田院舊址明知

縣李恭增修

儒學教諭署在學宮內

金匱縣知縣署在城內北都一尚即億豐倉舊址

雍正四年設建 主簿署在無錫縣舊治 典

史署在縣署之東 庫在縣署內 獄在縣儀

門外西南 望亭巡檢署舊在縣南五十里今

移縣治 糧倉與錫邑分貯 常平倉在縣署
東北雍正七年知縣王喬林建 普濟堂二一
在懷下四七都一在懷上四九都俱雍正二年
知縣王喬林建 育嬰堂舊在元下東北鄉七
尚雍正十二年移建金匱縣城隍廟頭門內西
首坐落東北八尚

儒學訓導署在無錫縣學宮內

常州營左軍守備署在縣城東

金少府... 卷三十一
江陰縣知縣署在城西北隅明洪武元年建 縣

丞署在縣治東 主簿署在縣治西 典史署

在縣治東 庫在縣二堂右 軍仗庫 架閣

庫俱在縣二堂西北隅 獄在縣儀門外東南

石頭港巡檢署在縣東三十里 和豐倉在

縣署西南即宋都倉今於此收貯白糧 水利

倉在協鎮府西南初名濟農在朝宗門外明巡

撫周忱移建 常平倉在縣大堂西雍正八年

知縣魏化麟領帑建 養濟院在縣治東南祥

符寺旁 普濟堂四一在馬鎮一在華墅鎮一

在章鄉鎮一在夏港鎮俱雍正四年將各鎮養

老堂改建 育嬰堂在城西青龍街康熙四十

七年知縣黃和中捐建

儒學教諭署 訓導署俱在學宮內東北隅

水師協鎮副將署在縣城中街 左營中軍守備

署在縣城

江陰營遊擊署在縣城大街 中軍守備署在縣

城

楊舍營守備署在楊舍鎮

宜興縣知縣署在城內長橋北 附 明方逢時題名

記 洪惟我國家稽古建官上而公卿大夫下而百執事尊卑有等貴賤有差內外相資體統不紊凡以為民也然位高者其情塞勢遠者其澤窮故施政布惠與民最親且切者惟令為然蓋令者位卑責重百司之務咸與焉位卑則勢或有所不及責重則不可以易舉百務咸與則具才或有所不周叢脞瑣屑難於厥職者亦惟令為然故曰民生休戚在守與令又曰苟非其人民受其殃噫其可

以易而為之哉宜興為毘陵僻邑風氣敦朴民物質野錢穀訟獄實繁且劇其治之也為尤難嘉靖壬寅余來承乏於茲濫厠諸君子之後仰其人師其政事而勸戒之心生焉久之且懼其名自我而沒之也爰於庶務之暇遡而求之百八十年間得卜公原善以下三十九人著其姓字考其里爵次其任之先後始於國初重時制也畧於丞簿政不在也信者書之疑者闕之示可徵也既成乃命工鐫之石以垂於後而謬序其言於石之端如此夫是石之立也所書者名而已若夫所謂忠諍詐曲直之戒如古人之所云者則民之輿論遺思昭昭在也余曷敢知亦奚敢於詳雖然循名而責實因人而反已顧同志者加之意而已

縣丞署在縣治

東南 典史署在縣治西 庫在縣堂東 鸞

駕庫在縣署東偏 架閣庫在縣堂西 獄在縣

儀門外右偏 下邦巡檢署在縣東南三十五

里洞山鄉 鍾溪巡檢署在縣北五十里萬金

鄉今暫居民房 養濟院六一在縣治西南西

廟巷北一在法藏寺旁西城明知縣王鏐建後

知縣丁懋移建西門外福德橋西南一在塘瀆

橋一在青村一在草塘橋一在黃督下雍正四

年知縣李瑞建

儒學教諭署在學宮內

太湖營右軍守備署在周鉄鎮

荆溪縣知縣署在縣東察院舊基

國朝雍正二年設知縣李潤領帑建典史署在縣治

庫 獄俱在縣治內 湖汊巡檢署在縣東

南四十五里 張渚巡檢署在縣西南九十里

漕倉即宜興之南倉分常平倉在縣署後

雍正九年建

儒學訓導署在學宮內

常州營右軍守備署在縣城

靖江縣知縣署在城內西偏明成化七年建 縣

丞署在縣署東 典史署在縣署東南 庫在

縣署二堂左右 儀仗庫在縣署大堂右 獄

在縣署儀門右 馬馱沙新港巡檢署在小沙

岡 常餘倉在縣署東南舊名永豐明知縣張

汝華建後圯知縣俞獻可復建知縣陳文燧增

建 永豐倉在察院內明知縣陳文燧知縣陳
函輝移建縣土地祠內 常平倉在縣治雍正
九年建 養濟院在崇聖寺後法堂內明知縣
汪玉建知縣景日軫修知縣陳函輝重修 育
嬰堂在城內三畝

儒教諭署 訓導署俱在學宮右

協標左營遊擊署在縣署左

靖江營守備署在縣城

江南通志卷二十二

欽定四庫全書

史部

江南通志卷二十三

詳校官給事中臣丁雲錦

檢討臣德生覆勘

總校官編修臣王燕緒

校對官中書臣葉燮

繕錄監生臣左熙

欽定四庫全書

江南通志卷二十三

輿地志

公署

二 鎮淮揚徐四府太海通三州

鎮江府

鎮海將軍署在府城中

左翼副都統署

右翼副都統署

以上二署俱在府城

分守常鎮道署在府治舊寶鈔庫

知府署在城內東北明洪武初郡守楊遵即宋元

舊址建

同知署在府治東

通判署在府治西 經歷署在府治東 知事署

照磨署俱在府治西 廣盈庫在府堂西 架

閣庫在府堂東 獄在府治譙樓旁

炭渚驛丞署在城西五十里 京口驛丞署在府城

學教授署 訓導署俱在學宮內

中營兼左營副將署在府城內 中軍守備署在
府城東門外

右營遊擊署在府城 中軍守備署在府城西門外
協標右營中軍守備署

城守營叅將署 中軍守備署

鎮江衛守備署

以上四署

俱在府城

揆鹽廳在江口康熙九年建雍正六年浙江總督

李衛重修附修建鹽廳碑記

國家惟正之供
田賦而外則鹽筴

所入為最鉅兩浙都轉運當長蘆河東兩淮閩廣
之一每歲銷數百萬引行鹽之地東南瀕大海西
際豫章之廣信江南之廣德其北則以京口大江
為關鎖疆界攸分巡查是亟蓋必私禁嚴而後正
引可以流通裕課恤商本計誠莫重乎此也余總
督趙中兼攝巡撫節制江南捕務又奉

命給巡鹽使者之篆仰惟
聖天子愛養百姓澄叙官方之至意立網陳紀各有敷施

而睦政所關首謹私販固已申飭汎防凡山陬水
濱實心搜索罔有漏遺獨深念京口與儀揚僅隔
一衣帶水舟船往來絡繹不絕梟徒貪利冒網夾
帶淮鹽潛售於鎮江一郡三縣之間根深蒂固莫
可窮詰致使嘉松引鹽每多壅滯不有整頓何以
章奸用是其疏

題請盤查之責屬在大吏文職則江甯鎮道及鎮江
海防同知武職則京口將軍鎮標副將及鎮江城
守參將按日分曹更番巡剔又添設巡兵若而人
巡船若干隻樓櫓器械必備必堅衆商急公捐增
工食兵役用命晝夜稽查自教令風行奸徒亦斂
迹不敢涉江生觀餽以故年來嘉松掣鹽較往時
增倍是盤查之有功於鹽政為甚大也先是順治
十六年鹽使者

題明京口查鹽令海防同知並城守副將在於沿江
插口親身巡緝然或因循苟且徒樹空名於江上
耳卽康熙九年所建搜鹽一廳亦因地無專官事
鮮責成迨且日就傾圮矣夫搜鹽廳者所以奉

明旨昭功令金符在上尤貴尊嚴官司坐履其間必有
堂皇方肅觀聽且兵役趨走江堤坍塌亦非所宜
而或風雨朝昏庇止無地夫何以專守望而勤檢
覈余乃發帑金頒廳式擇京口世商之能事者曰

汪德培俾董其事就其祖父之所創建者而更新之又添建五楹於其後三楹於其旁河岸加以石工沿岸又建小廳三楹官役上下均安憇息至於柵垣鞏固階級寬平高牙大旗翻颺白波紅日間與畫棟朱甍相掩映洵足稱江表壯觀矣是役也鳩工於雍正戊申之秋仲閱六月而告成民力不疲商力不擾所以為盤查計者固可歷久而不敝矣抑余聞之為政之道務在拔本塞源彼夫積泉巨觴啣尾販私漕艘官船連檣夾帶是皆翫法之尤搜查在所必及若孤舟行旅所攜日用之鹽數本無多不閔釐例是用分別查禁縱漏竒擾各因輕重而科治焉其庶幾無厲於吾民而稍裨聖朝鹽筭之計於萬一乎是宜紀歲時志興建以告後之司釐政者其工緝織縷別勒碑陰

丹徒縣知縣署在府治東南小市街北 縣丞署

在縣治東 主簿署在縣治西 典史署在縣

治東南 庫在縣二堂旁 獄在縣儀門東

高資鎮巡檢署在城西五十里 丹徒鎮巡檢

署在鎮東港口 安港巡檢署在城東九十里

大軍倉在治安坊

預備倉在綠水橋西北

義儲倉在儒林坊明知縣龐時雍建

鎮西倉在西城外上河邊今兌漕處

常平倉在西門內白馬坊雍正九年知縣繆遠

領帑建

育嬰堂在梳兒巷

國朝雍正九年知府毛德琦捐建 附張九徵初勸育嬰

社序

京江育嬰之社舉於癸丑夏君爾範首事余與同人襄之仿廣陵吳門兩郡例也每一嬰

日給乳母銀三錢同社有認一嬰者有倍認三倍認者有數人共認一嬰者丙辰丙範赴道山而余董市兩社歲年則郡中紳士與新安同志分月輸稅定會所於月華山之萬歲樓徵督驗乳察弊廢奸各有尚司類稱嚴密規模既定遠近樂觀不意年久之臥早趨相仍人無宿飽遺嬰在道日積月

增捐貲所入不足半給蓋廣陵所恃鹽闕兩使者
及行商大賈吳門則撫軍藩司為政我郡皆無之
獨數十寒士呼號將伯奔馳托鉢耳相顧唏噓莫
知為計適道臺石公自楚來臨下車問俗聞之欣
然親蒞會所首捐俸為倡而郡守暨兩少府縣尹
諸公莫不踴躍分俸共成盛舉羣嬰之生已絕而
復續是天心仁愛畀以福星而當事諸公情深保
赤古稱召父杜母何以異此不佞敢再拜手敬告
同里樂善者夫休惕惻隱行道所同赤子願連乍
見思故况眾擎易舉寸壤成山省一親朋遊戲之
酒資減一兒女帽領之裝飾即可廣種福田普度
多命所費薄而所獲厚事理至明奚待智者而後
惟喜從事乎但尤有進者善必積而後成德必久
而後大勿始勤而終怠勿偶應而旋忘施三分以
至於三錢三兩總曰發心化一人以至於十人百
人總名同善樂施遂成仁里善政可革兵刑從此

早勝不作時和年豐且
將於此舉見其大端也

儒學教諭署在明倫堂西南 訓導署在殿廡西南

丹陽縣知縣署在縣市西北 縣丞署在縣治東

主簿署在縣治西 典史署在縣治內

庫 獄俱在縣治內

呂城鎮巡檢署在本鎮東 包港鎮巡檢署在

縣東七十里 雲陽驛丞署在南門外

便民倉在北門內新橋明巡撫周忱委知縣陳

誼縣丞葛良鼎建

常平倉在縣署東雍正八年知縣寧承謨領帑建
育嬰堂在妙覺寺西康熙四十六年邑人公建

講學

教諭署在明倫堂東 訓導署在尊經閣旁

金壇縣知縣署在城西北隅宋建順治二年知縣
胡延年重修 縣丞署在縣治東 主簿署在
便民倉西南 典史署在縣廳西

內庫在縣署堂右 獄在縣署儀門西偏

湖溪巡檢署在上畹村

便民倉在縣署北明知縣劉訓建知縣周楫改
建於陽武門外水次知縣趙圭移入城東北隅
今仍舊

常平倉在縣治雍正八年建

普濟堂在東門思慕村邑人莊良玉等建

儒學教諭署在明倫堂後正學堂右 訓導署二所

一在學路東一在日新齋東

溧陽縣知縣署在城西北始自唐天復間歷宋明
修建不一

國朝康熙四年增修 縣丞署在庫樓右 典史署在

縣堂東偏 架閣庫 儀仗庫俱在縣堂兩旁

庫樓在縣署堂右 獄在縣儀門西偏

水次倉在縣東南 義積倉在署南

存留倉在西北

養濟院在縣治東

儒學教諭署在魁星堂右 訓導署在養正麗澤二

齋後

溧陽營都司僉書署在縣城內

淮安府

總督漕院署在府城內 附明呂兆熊題名記 之明興

議河運也自唐順之始也其卒開今運河即元會
通河自濟寧達之通州南即宋沙河疏邗溝通江
淮達之濟寧也自尚書宋公禮平江伯陳公瑄始
也其遂開府淮揚總茲漕務用夫運罷海運也亦
自陳公瑄始也其以總憲文臣代之用總漕兼鎮
撫也則自王公竑始也其兼提督軍務也則自胡

公植始也。維宗社之咽喉，軍民之命脉，實於是焉。樞紐攸底，績微落除，拜氏各畧，見國史。然多佚而不屬。正德四年，邵文莊公寶來莅茲土，懼其久而遂湮也，始鳩王公竝而下，至文莊公凡二十四人。爵里錫之石，而自為文以記之。併及漕事大都焉。自文莊迄今百十餘年，所迨熊又六十二人中，多入為名公。公卿熊不敏，竊嘗嚮往之。然舊石已不勝載。自王公紀而後，闕焉未書，所以更碧貞珉，續文莊之舉。使後有考焉，然余因是而有慨於天下之事，難於識，難於任也。轉漕之利，無踰水浮。禹貢紀州，從來尚矣。秦漢及唐，歷歷可鏡。砥柱三門，其覆溺之險，擊絕之勞，人徒之費，至一舟百日，乃能上何啻百倍乎。海運間或用車，用馱，厥難益鉅。當時有斗錢運斗米之苦，然不能為他策者，其都闔之勢，然也。宋以四河通運，地處平曠，歲入至七百萬萬石，憂不在食。漕渠之效亦較可觀矣。元至七百

燕國即今日之京師也雖江南轉漕遼遠然無三
門砥柱為之隔也夷考其當日運道初則涉江入
淮逆黃河至中梁站陸輓至淇入御河達京師不
便也又開濟州泗河蘇大清河入海旋以海口沙壅
復從東河陸輓至臨清入御河不便也又開膠萊
河道通海勞費久之訖無成效後始專用海運矣
然此漕不測盜賊出沒剽劫覆亡相因而至而京
師倉卒倉儲不繼何其置今濟寧河道之至易且
利者不講而日為海與陸之紛紛也則伯顏張瑄
之流所為不逮宋公禮陳公瑄也豈天特留之以
戒今日一代豐亨豫泰之盛哉恭襄業開此萬世
之利矣其儲設安山南旺馬場臨陽諸湖名為水
櫃以時儲也東控泰山諸泉南引鄆伯高郵寶應
諸湖北會文衛白羊陽城洸浮津沱桑乾諸河以
廉委輸雖歲時有供億頻繁不無民實勞止岸
乃善崩之處天下市無金利備已事軌則導流培

岸功易易耳然恭襄當茲世非有文皇之廟斷然為之主持而黃牛纜揮白簡狎至非常之原黎民懼焉安保無一二道路蜚語而違創百代之未有開萬世之水利耶故余因是役而重有慨於天下事之難於誠難於任也其在今日又且無暇論漕之外矣軍饟外迫財力內屈則漕不易為也北二三千里則病早南二三千里則病水足民足國固自不能左畫方右畫圓則漕而撫又不易為也淮揚給穀南北最天下要地鑰鑰十萬之衆豈曰虛擁無事則引漕有事則應援今天下非無事也馬窮則逸鄒滕其微見者也一旦內訌外侮淮揚其首受之矣則漕而提督軍務尤不易為也此皆余今日事總非識與任不可而余非其人也余滋懼矣何暇言天下事石既成次其說而書之以自警且以俟後之君子

總督河院署在山陽清江浦

河庫道署在清江浦

淮揚道署在山陽縣

淮安鈔關署在板橋地方離城五十里

知府署在城中即元舊總管府明洪武元年建附

明潘墳重建府堂記

斯郡治遷於國初斯堂創於洪武庚戌而大啓於成化戊

子燬於正德庚午凡五閱歲四易守廼克有作蓋
經始於乙亥春正月吉而以其夏四月落成之於
戲斯堂其亦有關係哉今之守視古諸侯今之郡
視古千乘之國則夫堂有臨下之道焉有王化之

宣馬有民命之係焉其興與廢殆於人事相流通
有不可歸之適然之數者昔鄭國大裨寔請讓子
產曰天道遠人道邇非所及也子產當國鄭不復
大令大既馬守乃發意者天將布新乃除其舊耶
是不可以不作矣時太守餘姚華公璉懼裁如焚
式用貶損掃地布度茂以莅事既擢去安福劉公
祥代之吉水羅公循又代之加以師旅因以儼饑
寇卜方殷鳩僦未暇是盖有所待而然歟歲癸酉
秋南民部尚書郎魏人薛公葵繼守茲土治人如
已治官如家兵既少戢歲亦頗有乃諗於衆衆曰
斯我公所以臨我治我大庇我者亟成之豈所以
厲我耶公曰諾於是庀徒度材三議五請上下既
協乃即厥功不日而堂成矣為問者五為楹者三
為架者倍其楹之數軒其前以展雄飛扁其後以
備燕寢巍然高以示其立也廓然大以示其容也
窈然深以示其養而峻然潔以示其守也中之虛

示吾公而明外之直示吾簡而易上之察者心之
結下之固者德之基也丹堊髹漆所以示文廉堦
張闥所以示禮披簷露棟一望而知其中之美所
以示心也既復經歷司之舊又撤照磨所而新之
翼乎其左右者所以示有尊也美哉堂乎君子攸
躋刑賞平而民命立矣教養備而王化行矣其無
愧於臨下之道哉
故不可以不紀

山清裏河同知署在府治西

海防山安南岫同知署在山陽縣童家營

海防山安同知署在安東縣

桃源河務同知署在桃源縣治

山清裏河同知署在山陽縣清江浦

海贛同知署在山陽縣清江浦

山盱通判署在山陽縣周家橋

軍捕通判署在府治西

安清中河通判署

高堰通判署俱在山陽縣清江浦 經歷署在府

治東照磨署在府治西 檢校署在府治西南

漕運庫 阜積庫俱在府儀門內甬道東 龍

亭庫在儀門外東 架閣庫在儀門外西南

重監在府儀門內西 輕監在府大門內側

大軍倉在署西北元建明知府任光祖增建

東新倉在府學東明初知府范中建

常盈倉在清江浦明平江伯陳瑄建

儒學教授署在啓聖祠東 訓導署在文廟後

漕標中營兼左營副將署 中軍守備署

右營遊擊署 中軍守備署

城守營叅將署 中軍守備署俱在府城

河標右營添設守備署在清江浦

淮安衛守備署

大河衛守備署俱在府城

葦蕩營叅將署 右營守備署俱在仁和鎮

山清裏河上營守備署在清江浦

山清裏河下營守備署在楊家廟

山清外河上營守備署在老壩口

高堰上營守備署在高家堰

山盱下營守備署在高良澗

山陽縣知縣署在府治南明洪武中建

國朝康熙十八年燬知縣薛雲奇重建 裏河縣丞署

在府城內 外河縣丞署在清江浦 裏河主

簿署在府城 外河主簿署在蘇家嘴 高良

湖主簿署在周家橋 典史署在縣治東

縣庫在縣署二堂旁 架閣庫在縣堂右 獄

在縣儀門外西

預備倉舊三處今止存一處在志道書院旁

養濟院在縣治西南明洪武初知縣凌澤建知
縣高時修

儒學教諭署在講堂後 訓導署在社學內

阜寧縣知縣署在廟灣城

國朝雍正九年分設卽海防同知舊署修建 縣丞署

卽原廟灣巡檢司舊署在縣治西小南門外

典史署在縣治大堂西側 鹽課司署在縣大南門外

縣庫 獄俱在縣治

馬邏司巡檢署在城西北童家營 大套司巡

檢署在城西北五十里北沙鎮 羊寨司巡檢

署在城西攔黃壩 童營司巡檢署在城西八

十里大茭菱蘇家嘴 草堰口巡檢署即原廟

灣巡檢改設今署將建暫駐朦朧鎮離城西南

六十里

倉在縣西側

俗學訓導署在啓聖祠後

鹽城學訓導分位

廟灣營遊擊署 中軍守備署俱在縣城內 守

備署在縣窈子港

山安海防河營守備署在縣童家營

鹽城縣知縣署在城東北明洪武元年建 縣丞

署在縣治東 典史署在縣治東南

收貯庫在縣堂西 暫貯庫在縣堂東 架閣

庫在收貯庫旁 獄在縣大門西南

沙溝巡檢署在本鎮 上岡巡檢署在縣上岡

常豐倉在縣署東南宋時建明知縣葛成重建

國朝雍正七年改為社倉

永濟倉自西門外改置城內

預備倉四一在縣西十八里一在縣西八里一

在縣西南四十里一在縣北九十里俱明知縣

宋必進建

涇河倉在縣西北一百六十里山陽縣界涇水
次明知府丘陵建後又改建於府城東倉基
便民倉在縣西門外一里明知縣楊瑞雲建秋
糧交兌於此

常平倉在縣署東雍正八年建

鹽義倉即永積倉舊址雍正五年知縣崔昭建
養濟院在縣東南半里

育嬰堂舊在縣治西雍正六年知縣孫蔭孫捐
資改建於縣治東南

儒學教諭署在敬一亭後

鹽城營遊擊署 中軍守備署俱在縣城 守備
署在縣草堰口

清河縣知縣署在清河口明洪武三年即舊基重
建 縣丞署在甘羅城 中河主簿署暫賃民
房 管河主簿署在縣治 典史署在縣治東南

右庫在縣堂右 架閣庫在縣儀門內側 鹽

庫在縣儀門內 獄在縣儀門外

馬頭巡檢署在甘羅城 清口驛丞署在縣治

二里

盈貯漕米倉在縣署西半里 明初知縣孔克勳
建

國朝康熙間知縣管鉅重建

預備倉 田明初知縣郝貴建 知縣盧寧重修一

在吳城鄉朗石堡內一在吳城鄉安羊堡內一

在移風鄉高秋堡內一在金城鄉魚溝堡內

常平倉在縣西北雍正六年建

養濟院在縣治東明洪武七年建

儒教諭署 訓導署俱在學宮內敬一亭側

山清裏河上營參將署在縣運口

批源安清中河河營守備署在縣治

安東縣知縣署在大城坊化龍橋明洪武三年建

縣丞署在縣治東 主簿署 典史署俱在縣

治東南

收銀房 大庫 小庫俱在縣二堂旁 耳庫

架閣庫在縣儀門內側 獄在縣儀門內側

長樂巡檢署在縣北一百里 五港巡檢署在

本港

大益倉在縣治東南明知縣李貫建

國朝雍正七年知縣蔡璠重建知縣孫顯武增修

便民倉在清河縣界

常平倉在縣大門西雍正七年知縣蔡璠孫顯
武相繼修建

養濟院舊在縣城外東北明知縣張瑾建天啓
六年知縣劉君聘移建城內

儒學教諭署 訓導署俱在學宮內明倫堂西南

山清裏河上營遊擊署在縣治

山安上河營守備署在縣城

山安下河營守備署在縣佃湖

桃源縣知縣署在古桃源元至正中創建尋燬明

洪武元年即舊基重建縣丞署在縣治東

中河主簿署在重興集北岸主簿署在崔鎮

南岸主簿署在縣治西典史署在縣治內

縣庫在縣二堂旁架閣庫在縣儀門內左

獄在縣儀門外西

三義鎮巡檢署在縣三岔口古城驛丞署在

本驛

常濟倉在縣署南知縣殷亮建知縣趙經增建
預備倉四俱在縣治明知縣陳寧建知縣趙經
增修

常平倉在縣治雍正九年建

東金莊倉在縣治三十五里

仁義倉在縣治北三十五里

三汊鎮倉在縣治東三十里 崔鎮倉在縣治西

養濟院在縣治西南明洪武二年建知縣趙經
重修

儒學教諭署 訓導署俱在學宮內

河標左營遊擊署

桃源南岸河營守備署

桃源北岸河營守備署俱在縣治

揚州府

兩淮鹽法察院署在府治東北抵鈔庫巷西抵通

衢

分巡兩淮鹽務道署

在府治三江營雍正十年
建雍正十三年移駐秦壩

兩淮都轉鹽運司署在府治張家巷即漢江都相

董仲舒舊宅

附

明李銳三門記

兩淮鹽司自唐以
來代有之司治設

於揚城東關南陬或曰揚城昔廣司建厥中後改
作而隔諸外夫鹽司錢糧淵藪也而乃寄諸城外
是猶珠玉委於道傍可乎哉予承乏來官是司顧
司外通衢東南北皆有隙地可作門以為保障乃
命工會料規畫周悉請之臺憲皆許可於是構甃
瓦木植聚羣匠而作之門凡有三上覆以樓榭櫓
相望宛若小城經始於仲冬丁未落成於臘之庚
子適有客過余相與登樓而眺客曰偉哉此舉真

百年良圖詩謂未雨徹桑易謂設險以守其無愧
哉余曰吾子其警錫嘉名余得以奉教焉客唯唯
南曰迎薰北曰拱極東曰賓陽余問其音客語余
曰昔者舜彈五弦歌南風詩曰南風之薰兮可
以解吾民之愠兮子能彌爾操存乎爾政事商而
寬之憲而撫之海隅市廛無愁歎聲茲非迎薰之
謂乎語曰譬如北辰居其所而衆星拱之子能殫
爾心力夙夜匪懈以事一人所謂處江湖之遠則
憂其居矣非拱極之謂乎傳曰日者衆陽之宗人
居之象子居是官也凡瘡汗之頃布天語之叮嚀
洞洞屬屬奉行惟謹所謂天威不遠顏咫尺者茲
非賓陽之謂乎是非特名門亦所以勗吾子也子
能顧名思義身體而力行之後之繼子者接目警
心奮發不怠履政其庶乎余揖而謝曰命之矣遂
舉觴酌飲而罷

因書以爲記

泰州鹽運判署舊在泰州北關後改建東臺

通州鹽運判署舊在通州西城後改建石港

淮安鹽運判署在安東縣治東城坊 經歷署在

運司署二門內

揚州鈔關署在府南門外

知府署在通泗橋西北明洪武三年建

清軍同知署在府治左

江防同知署在瓜洲鎮

水利同知署在泰州東臺場

揚河通判署在高郵州

監掣通判署在儀徵縣

糧河通判署在泰州 經歷署在府治前 檢校

署 照磨署俱在府署西偏 廣陵驛丞署在

南門外

大積庫在府川堂右 鑾駕庫在府儀門東

軍器庫在府川堂左 獄在府儀門西南

軍儲倉在府治東

義倉在廣儲門

儒學教授署 訓導署俱在學宮內

城守營遊擊署 中軍守備署俱在府城 守備

署在三江營

京口協標右營遊擊署在瓜洲城內

瓜洲營守備署在瓜洲鎮

揚河下營守備署在瓜洲

揚州衛守備署在府城

江都縣知縣署在舊城內儒林坊明洪武七年徙
建 縣丞署在城隍廟東 典史署在縣治西
庫在縣堂西 獄在縣儀門西

瓜洲鎮巡檢署在本鎮 萬壽鎮巡檢署在張
網溝 邵伯驛丞署在縣北四十五里本鎮官
河東岸

預備倉三一在城東五十里大橋鎮一在彝陵
鎮一在城南十五里揚子橋

廣儲倉在廣儲門內西街

保揚倉在南門內大街

鹽義倉二一在東關一在廣儲門內雍正五年建
便民倉在便益門外

養濟院在縣北門外明洪武間知縣丁師尹建
督理漕務王公度重修

普濟堂在瓜洲鎮插口雍正五年僧見省募建
育嬰堂在小東門外順治十二年邑人蔡挺建

儒學教諭署在明倫堂西

甘泉縣知縣署在小東門內太平坊

國朝雍正九年設建 主簿署 典史署俱在縣署旁

庫 獄俱在縣署內

邵伯鎮巡檢署在本鎮 上官橋巡檢署在陳

家集

預備倉三一在西門外一在邵伯鎮一在豐樂鄉
育嬰堂在縣北門外雍正十二年邑民閔廷佐

募建

儒學訓導署在學宮旁

儀徵縣知縣署在城內西北即宋真州治明洪武

初即舊址建 縣丞署在縣治東 典史署在

縣治東南

庫在縣堂左右 都錢庫在縣儀門內左 軍

器庫在縣儀門內右 獄在縣儀門外東

江口巡檢署在縣東南十里

廣實倉即舊常平倉在天寧橋東南康熙間知縣陸師建

節貯倉在資福寺前明工部主事許孚遠建

預備倉四一在新城鑿江橋一在城西三里一在五里壩東一在朴樹灣北明初知縣王士亨建
普濟堂在縣東八字橋雍正十二年知縣許惟枚捐建

育嬰堂在城內天寧橋

儒學教諭署在尊經閣東南 訓導署在尊經閣西南

奇兵營遊擊署在縣治南門外江口

中軍守備署在縣城 守備署在青山頭

儀徵衛守備署在縣城

高郵州知州署在城內東 州同署 州判署俱

在州治東 吏目署在州治西

州庫在州署後堂旁 廣儲庫在州署堂右

架閣庫在州署堂左 獄在州署儀門外西

時堡巡檢署在州治東北一百二十里 界首
驛丞署在城北六十里

軍儲倉在南門內

廣儲倉在州西高公橋

預備倉在州治南市河西

東西南北倉四一在三塚鎮一在江靜村一在
車邏鎮一在北門外

養濟院舊在州西熙和巷明洪武間建

國朝康熙四十七年知州李之檀移建南市橋

育嬰堂在州西大街順治十三年邑人張陽等

建

儒學正署在明倫堂西北明學正施之藩修訓

導署二所在明倫堂東前為修業齋後為進德

齋

揚河上營守備署在州治

興化縣知縣署在城北明洪武元年知縣徐士誠

建 縣丞署在縣治東 典史署在縣治西

庫樓在縣堂左 架閣庫在縣堂右 兵器庫

在縣堂東偏 獄在長清倉南

安豐巡檢署在縣北六十里安仁鄉

永興倉在縣西

養濟院在北門司徒里又有濟生堂在東門東
作里

育嬰堂在南門昇仙里康熙八年知縣陳洪諫
捐建後屢加修葺里人劉天祿捐置田一百二

十畝

儒學教諭署在明倫堂後 訓導署在啓聖祠前

寶應縣知縣署在城內西北宋乾道間建後燬明

洪武十一年知縣劉維則重建 管河縣丞署

管河主簿署俱在縣治旁 典史署在縣治西

庫在縣堂後 獄在縣儀門外西

衡陽巡檢署在縣西南一百二十里 槐樓巡

檢署在縣南二十里

預備倉在縣治西

養濟院在嘉定橋北街

儒學教諭署 訓導署俱在學宮內

泰州知州署在城東北即古海陵縣基明成化景

泰中先後創建 州同署在州治西北 州判

署在州治西 吏目署在州治東

後庫在州後堂旁 甲仗庫在州堂左 架閣

庫在州堂右 獄在州儀門外右

海安巡檢署在州南一百里 西溪巡檢署在
州東一百二十里 寧鄉巡檢署在州北六十里
鹽義倉在城西門雍正五年建

兌軍倉在北門外

預備倉在州治西北

常豐倉在州治西北雍正二年增建

普濟堂在州北門外便民坊雍正十年建

育嬰堂在州東門內文利坊雍正元年建

儒學正署在明倫堂東 訓導署在學宮旁

泰州營遊擊署 中軍守備署俱在州城

徐州府

分巡淮徐道署舊在徐州城內雍正十年移駐宿

遷縣

知府署在府城北卽舊知州署

河務同知署在府城內

宿虹河務同知署在宿遷縣

邳睢靈壁河務同知署在邳州城內

宿遷運河通判署在清江浦

以上三署俱雍正十二年自淮安府改歸

管理糧鹽捕通判署在府城內 經歷署在府城中

庫 獄俱在府治

儒學教授署在學宮旁

河標中營協鎮副將署 協標左軍守備署俱在

府城

徐河南岸營守備署在府治

徐河北岸營守備署在土山寺

徐州衛守備署在府城

銅山縣知縣署在府城內 糧河縣丞署在府城

舊州同署 南岸主簿署在房村舊州判署

北岸主簿署在館驛門舊州判署 典史署在

縣治舊吏目署

庫在縣署後堂旁 龍亭庫在縣署堂旁 永

成庫在縣署儀門外右 獄在縣署儀門外右

呂梁洪巡檢署在本鎮 東岸驛丞署在本驛

之後 利國驛丞署在本驛東 桃山驛丞署
在本驛之前 房村驛丞署在縣治

兌軍倉舊在城北三里後移南關堤內水沒順
治間副使張兆熊知州佟遵道改建於城東門內
廣運倉在城南二里許沒於水明主事梅守清
尹梁修復順治間郎中陳嘉應勅建南廩一座
並樓房倉

濟衆堂二一在河東驛一在呂梁洪

安樂堂在城東南隅

儒學訓導署在學宮旁

青縣知縣署在城白茅山 主簿署在郝家集

典史署在縣署旁

庫在縣後堂旁 獄在縣儀門外右

趙家園巡檢署在縣東南張山店

預備倉在縣儀門東康熙間知縣閔允吉建

秋糧倉在府廣運倉東

養濟院在西門外

儒學教諭署 訓導署俱在學宮內

蕭營都司僉書署在縣城

碣山縣知縣署在城中明洪武初建隆慶六年重修
主簿署在縣治東 典史署在縣治西

庫在縣後堂東 獄在縣署西

預備倉在署內主簿宅前明知縣熊應祥建
常平倉在縣治知縣朱之揚建

義倉 社倉俱萬歷間知縣陳秉良建

養濟院在縣治西知縣熊應祥建

育嬰堂在縣治東

儒學教諭署 訓導署俱在明倫堂後明知縣熊應

祥建

豐縣知縣署在城中明洪武三年建嘉靖間河決

毀後知縣徐黨因舊址營建 主簿署在盤龍

集 典史署在縣廳西

庫在堂左 龍亭庫在銀庫左 獄在縣儀門

外西

預備倉在縣治西北

水次倉在沛縣夏鎮明知縣莊誠建

國朝順治間知縣閻珣重建

義倉在中陽門康熙間知縣孫毓璘建

養濟院在舊縣治東北知縣李崇信建

儒學教諭署 訓導署俱在學宮內

沛縣知縣署在城小水門內明季圮

國朝順治丁酉重建 主簿署 典史署俱在縣治旁

庫在縣堂左 獄在縣儀門外西

泗亭驛丞署在本驛

水次倉舊在縣治東一里河南岸康熙間知縣

沈某移建夏鎮

預備倉在署西北舊義倉地知州李汝讓建

養濟院在舊縣治南明知縣古信建知州李汝

讓遷於縣治北

廣濟堂在舊驛南 孚惠堂在泗水澗

儒學教諭署 訓導署俱在學宮內

協標右軍守備署在縣治夏鎮

邳州知州署在城內即元舊治址 州同署 州

判署俱在舊城堤上 吏目署在州治

州庫在後堂旁 龍亭庫 架閣庫俱在州堂

左 獄在州大門西牆外

新安巡檢署在泃口鎮 直河巡檢署在貓兒

窩 夾溝驛丞署在河口

州倉二一在署西南一在署東南

預備倉在縣治明知州王毅建

沙子道口倉在署東南四十里

泃口社倉在州西北九十里雍正九年知州呂

大雅重建

常平倉在州署內東偏

南關廟倉在署東南二里

鮑家莊倉在州西北一百里

養濟院在城外明知州郝茂建知州舒文秀重建

儒學正署 訓導署俱在學宮內

宿遷縣知縣署在新城中明萬厯中始改建於此
縣丞署在縣治東 中河縣丞署在縣治北
岸主簿署在縣城 南岸主簿署在白洋河

運河主簿署在縣皂河集 典史署在縣治東
南

左右二庫在縣後堂旁 鋪獄各一在縣儀門外西

劉馬莊巡檢署在縣北一百二十里 歸仁堤

巡檢署在縣歸仁集 鍾吾驛丞署在新南水

次倉西

預備倉在縣署內

養濟院舊在臨淮門外知縣喻文偉遷建縣前

大街

儒學教諭署在明倫堂東 訓導署在明倫堂西

邳睢河營遊擊署在縣治

宿遷運河營守備署在縣皂河

宿虹北岸河營守備署在縣治

宿虹南岸河營守備署在縣白洋河

河標右營守備署在縣城

潼安衛守備署在白洋河

睢寧縣知縣署舊治元末燬明洪武元年重建

縣丞署在縣姚家集 主簿署在魏家集 典

史署在縣治儀門外

銀庫在縣後堂旁 獄在縣儀門內西

三義倉在南門外即營田種子倉明知縣申其
學修

常平倉在縣署西康熙間知縣劉如晏建

水次倉在縣治羊山順治十一年知縣魏翰建

康熙間知縣劉如晏重建

預備倉三一在察院西明知縣閔義建知縣牟
鴻修知縣申其學重修一在廟灣一在辛安鎮
養濟院在縣治西南明景泰間知縣申其學重
修

育嬰堂在縣東門內雍正九年知縣郎大成建
儒學教諭署在明倫堂後 訓導署在明倫堂東

邳睢河營北岸守備署在縣木社店

邗隄河營南岸守備署在縣治

太倉州

蘇松水師總兵官署在崇明縣順治十三年建
分巡太通道署在崇明縣即舊中營遊擊署

知州署在城北明弘治十年建 州同署在州治

東 吏目署在州治西

廣積庫在州堂右 鑾輿庫在州堂左 獄在

州儀門外西

甘草巡檢署在本鎮

便民倉在大西門外明知州李端建知州萬敏
修

養濟院在朝陽門故崇福庵東明知府黃仁山
增建

育嬰堂在學宮東康熙四十四年知縣黃洽選建
儒學正署在學宮內

劉河營遊擊署 中軍守備署俱在黃涇鎮

鎮海衛守備署 太倉衛守備署俱在州城

鎮洋縣知縣署在州城

國朝雍正三年分設奉文發帑新建 縣丞署 典史

署俱在州城 庫 獄俱在縣署內

水次倉在大西門外

常平倉在縣署西雍正六年建九年增建縣署東

儒學訓導署在學宮旁

崇明縣知縣署在長砂城明萬曆十三年建

國朝康熙元年知縣龔榜增建 縣丞署在縣治西北
典史署在縣治土地祠東

庫房在縣堂左 架閣庫在縣堂右廊 軍器

庫 豐盈庫俱在縣二堂旁 獄在縣儀門內西

半洋沙巡檢署在半洋沙舊有大安巡檢署在

縣城雍正八年改駐大安鎮十二年裁歸半洋

沙巡檢

濟農倉舊在縣署儀門外東西後遷縣堂後左

右

南倉在福民街南康熙間知縣解銘建

北倉即儲備倉舊在瀛洲巷北雍正七年知縣祖秉震改建於舊道署東首

養濟院在城內城隍廟右明萬曆間建

國朝雍正五年知縣張文英重建

育嬰堂在北關外毓麟橋西康熙五十三年邑人黃安國等捐資公建

儒學教諭署在明倫堂後 訓導署在文廟西北雍

正五年知縣張文英捐建

中營遊擊署在縣城舊左營署 中軍守備署在

縣治

左營遊擊署移駐永興沙 中軍守備署在縣治

右營遊擊署在縣城 中軍守備署在縣治

奇兵營遊擊署在縣城 中軍守備署在縣治

嘉定縣知縣署在軍馬司坊宋嘉定間建

國朝康熙六年知縣金敏修 縣丞署在縣治東 典

史署在縣治西

銀庫在縣堂旁 鑾駕庫在縣堂左 架閣庫

在縣堂右 軍器火藥庫在架閣庫右 獄在

縣署西南

南翔巡檢署舊在江灣今移南翔鎮

濟農倉在五園內明初知縣樊鎮改守禦所建

知縣王術韓浚增修

國朝順治間知縣隨登雲重修康熙間知縣趙昕增建
常平倉在縣治雍正七年知縣江之煒建

養濟院在城內八圖宋紹興二年設

育嬰堂二一在城內二圖康熙間知縣黃洽選
建一在南翔鎮康熙間邑人陸廷弼倡建

儒學教諭署在尊經閣後

寶山縣知縣署在城內

國朝雍正三年設縣即舊吳淞所而新之

主簿署在縣治東 典史署在縣治

庫 獄俱在縣署內

顧涇巡檢署在本鎮

常平倉在嘉定城內雍正七年知縣傅景奕改

天主堂建

儒學訓導署在學宮旁

吳松營叅將署 中軍守備署俱在縣吳淞城

海州

知州署在西城內原李壇宅元改為州治明洪武
元年知州陳德輔因舊基重建

州同署在州治東 吏目署在州治大門內

州庫在州後堂旁 架閣庫在州堂左 獄在
州儀門內西

惠澤巡檢署在州南一百二十里張家店鎮

高橋巡檢署在州西九十里博望都北

養濟院在州治西北知州陳德輔建知州董鼎

重修

儒學

正署

訓導署俱在學宮內

海州營遊擊署

中軍守備署俱在州城

東海營守備署在州治雲亭山

葦蕩左營守備署在大伊鎮

贛榆縣知縣署在城中正北明洪武二年建

國朝順治二年修葺康熙九年知縣俞廷瑞重建

典史署在縣治儀門東

縣庫在縣堂右知縣俞廷瑞重建 獄在縣儀

門外西

荻水鎮巡檢署在縣治北七十里

預備倉在縣署東明知縣何淵建

營田倉四一在大沙河鎮一在青口鎮一在城

頭鎮一在龍王廟鎮俱明季建

義倉五所明知縣樊兆程建

鹽城倉在署北八十里

高村店倉在縣東南三里

城子村倉在縣南十五里

土山村倉在縣西南五十里明知州楊子方建
王彪村倉在縣西南三十里

養濟院舊在縣城東明初縣丞莫從敬建後改建
於東倉舊址

儒教諭署在明倫堂西 訓導署在明倫堂東
沭陽縣知縣署元至正間因僮陽郡基建明洪武

中重建

國朝於舊治西漸次增修 典史署在縣治後

堂庫在縣後堂西 架閣庫在縣堂右 鹽庫

在縣後堂東 獄在縣儀門內側

仁字等號倉二所俱在署南雍正七年知縣劉

浚明增建

預備倉三一在署東一在署東南一在署西明

知縣孫忱縣丞林騰增建

便民倉在清河

養濟院在縣治西北明初建

育嬰堂在城內即舊百子堂康熙四十五年改

建

儒學教諭署 訓導署俱在學宮內

通州

鎮守狼山總兵官署在州治東即元萬戶府

知州署在城中宋淳熙中建 州同署在河基鎮

雍正十二年添設 州判署在州西 吏目署

在州東南

庫在州署堂左右 獄在州署儀門外西

白塔河巡檢署在本鎮 永安巡檢署在本鎮

三角等九沙巡檢署在官河鎮雍正十二年添設

通濟倉在察院東明初知州熊春建

鹽義倉在天寧寺東首雍正四年建

豐備倉在試院東首雍正八年建

養濟院在西門外

育嬰堂四一在城內一在呂四場康熙三十六
年建一在石港場三十九年建一在興仁鎮雍
正元年建

儒學正署 訓導署俱在明倫堂西

中營遊擊署 中軍守備署

左營遊擊署 中軍守備署 俱在州城

右營遊擊署在呂四場 中軍守備署在州城

如皋縣知縣署在城東南唐保大十年設明洪武

元年知縣宗行簡重建 縣丞署在縣治東

主簿署在掘港場 典史署在縣治東南

庫在縣堂側 鑿駕庫 火藥庫俱在縣堂旁

獄在縣儀門外西

石莊巡檢署在縣東南六十里 西場巡檢署

在縣西四十里

軍儲倉舊名兌軍倉在縣署西北明知縣劉永

準建

社倉在馬神廟後今改建四廂社倉

預備倉在縣署西北明知縣黎堯勳建

國朝康熙間知縣盧縉增修

普濟堂在縣東門外 養濟院在縣後稅課局

改建

育嬰堂二一在城內東廂一在縣東掘港場

儒學教諭署在大殿西教諭蕭兆麟修 訓導署在

大殿西

掘港營守備署在掘港場

奉興縣知縣署在城東北宋時建 典史署在縣

治東南

庫在縣堂右 鹽庫在縣儀門東 獄在縣儀

門外

口岸巡檢署在城西四十里 黃橋巡檢署在

城北四十里 印莊巡檢署在城東四十里

預備倉在儒學東

兌軍倉在周家橋

常平倉在縣治雍正八年建

育嬰堂在城內

教諭署 訓導署俱在學宮內

秦興營都司僉書署在城北門包家巷內

江南通志卷二十三